

die Phlegma hinweg seyn / dann stärke
das Feuer / vnd letztlich so stark / daß der
Retort ganz vnd gar durch auß glüet /
vnd keine Spiritus mehr gehen wollen /
dann geuß das Oleum Salis in einen be-
schlagenen Kolben / zeug die Phlegma
mit lindem Feuer darvon / die thue hin-
weg / vnd so du schmeckest / wann das Del
scharff kömmet / so fahre es in einander
Glaß auff.

Auff diese Weise mache das Oleum
Salis, so viel als dir von nöhten / vnd
mit diesem wird das Oleum Antimonii
vereiniget / vnd geschärffet / wie oben ver-
meldet.

Mercurii preparatio.

Mache einen Præcipitat cum Oleo
Antimonii, Nim ein Pfund oder so viel
du wilt Mercurii, geuß das Oleum An-
timonii darüber / ein querfinger hoch /
oder etwas höher / setze es in ein Sande
Capellen / laß das Del darvon verrau-
chen / so wird der Mercurius zu einem
weissen Pulver.

Nim dasselbe / thue es in ein Glaß
schalen /